

Zoikis ir lapē

(Pasakelē)

Biega zoikis par pēivelē,
Nešies kopūsta galvelē.
Miegst ons kartās pasēgērtē:
Kopūstīnēs žad išvērtē.

Biegdams sosētēka lapē
Nešont vēšta iš kanapių.
Sosētēkosio borkava –
Kuožnas gīries gruobio sava.

„Vērkiau bendra kopūstīnē:
Mona katēlā – karklīnē“, –
Lapē zoikiou meilikava,
Skanius pēitus pranašava. –
„Īr kopūstu, ē meselēs,
Pēita bus kāp ont veselēs!
Kāp matā – nerēk badautē,
Kas nelinkēs tinginiautē.“

Zoikis lapē patikiejē,
Kopūstgalvi pasēdiejē
Ēr iš laimēs šuoka šuoki:
Sosētēka juk tuoks tuoki.

Lapē zoikiou – čiopt už spronda
Ē stēpriansē ēsēkonda.
„Bus tau, zoiki, kopūstīnē!
Tava kaulā – už karklīna:
Sosēpēlsio i krūvelē –
Bus mon dvēgoba meselē.“

Džiaugies lapē privēišiejos,
Iš karklīna neišejos.
Bet nespiejē šou suluotē –
Atvažiava če mediuotē.
Ē pagava roda lapē,
Vuogos vēšta iš kanapiu.

Nier da bovē tuokiū dīvu:
Rond kopūsta po karklīno.
Strielčē petēs tiktā traukē,
Pagīrūna zoikē laukē.

Kēškēt šautovus i onti –
Zoikis senē – lapēs skrondie...